

# Erken Gevaar Dog Weier Optrede Smuts oor Kommuniste

„Die Kommunistiese Party is 'n ondermynende, duiwelse evangelie. Hulle werk ondergronds. Dit is die beleid om te infiltrer — dis 'n mol-metode — en op die manier is hy in staat om invloed uit te oefen wat veel groter is as sy getalsterkte.” Met hierdie paar sinne het velm. J. C. Smuts die Kommunistiese Party vir wie hy gedurende die oorlog sy hoed afgehaal het, geteken toe hy verlede week in die volksraad gewys het op die wêreldwye gevaar van die kommuniste.

Veldm. Smuts het gesê dat die gevaar van kommunisme nie net 'n vraagstuk vir Duitsland is nie, maar vir die hele wêreld. Stalin het destyds gesê dat kommunisme nie vir uitvoer is nie, maar daardie verklaring is bewys nie waar te wees nie. Spr. het beweer dat die mense wat hulle in ander lande kommuniste noem, niks met Rusland te doen het nie.

Dinge het 'n wending geneem. Die verslag van die Kanadese kommissie oor die kommunistiese spioenasie in daardie land is een van die merkwaardigste dokumente wat spr. in sy hele lewe gelees het, en die feite is vorskriklik. Dit blyk nou dat die stelsel wat in Kanada gevolg is, ook elders gevolg word. Die V.S.A. is oortuig dat die spioenasie ook by hulle aan die gang is, en pres. Truman het gelas dat die kommuniste uit die staatsdiens gesit word. Genl. Smuts het gesê dat ons nie sulke mense in ons staatsdiens het nie.

In Suid-Afrika het ons 'n klein Kommunistiese Party, het spr. vervolg. Op sigself is die party klein en nietig en beteken hy niks. In die laaste algemene verkiesing het hy kandidate opgestel maar hulle is oral verslaan. Die metode wat die party volg, is egter gevaarlik. Hulle werk ondergronds. Dit is die beleid om te infiltrer — dis 'n mol-metode — en op die wyse word 'n invloed uitgeoefen wat veel groter is as sy getalsterkte.

Die proses is ook besig om

## LANDING VAN VAN RIEBEECK HERDENK


Aan die Rand sowel as in Kaapstad is Van Riebeeck-fee die afgelope week gevier. In Kaapstad het prof. dr. D. Bosman by geleentheid van die viering die mening uitgespreek en bewyse aangevoer dat Jan van Riebeeck se dagverhaal deur homself geskryf is.

Aan die Rand het die jeug veral 'n groot aandeel aan die verrigtinge geneem. Boodskappe van Totius en mev. pres. Steyn is ook ontvang.

deur te werk in die vakbonde en die regering is besig om uit te vind wat aan die gang is.

Veldm. Smuts het gesê dat die regering van die feite bewus is en sy oë oophou, maar die Unie is geen polisie-staat en kan alleen optree as die wet verbreek word soos in die geval van die Randse goudmynstaking. Die Unie is gebind deur sy demokratiese stelsel. Die woord „Kommunisme” verskyn nie in ons landswette nie. Daar gebeur niks in die land wat nie aan die regering gerapporteer word nie. Daar moet onthou word dat die kommunisme 'n politieke geloof is. Dit is nie alleen 'n ondermynende, duiwelse evangelie nie, maar 'n politieke geloof en so lank hy op politieke terrein opereer, is dit moeilik vir die regering om tussenby te tree.

## LOODS OORBODIG



Die taak van loodse wat langafstandvlugte onderneem, is aansienlik vergemaklik deur die uitvinding van 'n outomatiese loods wat in staat is om die beheer oor die vliegtuig uit die hande van die loods te neem. Wanneer die loods wil rus, skakel hy hierdie wonder-apparaat aan deur middel van 'n knoppie op die skakelbord. Dit is dus nou nie meer nodig dat twee loodse 'n vliegtuig wat 'n lang reis onderneem, beman nie. Die apparaat word teen geringe koste in swaar sowel as ligte vliegtuie aangebring. Die foto toon deskundiges besig om die outomatiese loods inmeekaar te sit.

# Houding Sal Bepaal Word Indien Erkenning Uitbly Uitvoerende Raad se Besluit Insaake Samewerking

Die houding van die Ossewabrandwag in kiesafdelings waar hy nie deur die saamwerkende opposisiepartye erken word nie, sal ter gelegenheid deur sy leiding bepaal word, volgens 'n verklaring van die Uitvoerende Raad van die Grootraad, wat voorverlede week in Johannesburg vergader het. Intussen sal die O.B. in kiesafdelings waar daar 'n gees van vriendskap teenoor hom bestaan, hom inskakel by die stryd.

Die verklaring lui as volg: Die U.R. sien die politieke toestand van ons vaderland in die lig dat die volgende jare vir die voortbestaan van die Afrikanerdom baie kritiek gaan wees. Met 'n groeiende golf van anti-blanke gevoel en met 'n gediskrediteerde en liberaalgeïntegreerde regering is dit noodsaaklik dat alle kragte met die eerskomende verkiesing ingespan word om 'n gesonde en nasionaal-geïntegreerde regering aan bewind te bring.

Die O.B. wat prinsipeel die partylose volkstaat voorstaan en dit as ideaal nastreef, wou nie sy gewig agter een of ander party in 'n Afrikaner-broederstryd inwerp nie. Onlangse gebeurtenisse aan die partypolitieke front het egter daardie beswaar tot 'n mate verwyder en ons verwelkom die samewerking tussen mnr. Havenga en dr. Ma'an as die eerste stap in die rigting van omvattende Afrikaner-samewerking soos deur die O.B. tydens die vorige algemene verkiesing voorgestaan, wat op sy beurt weer

## SIEN DERDE OORLOG KOM

„As ons nie met Rusland tot 'n verstandhouding kan geraak nie, lyk dit of wêreldoorlog No. 3 onvermydelik is,” het Henry Wallace, voormalige onderpresident van die V.S.A. verlede week verklaar. Hy het gesê dat Amerika in die volgende drie maande 'n beleid kan neerle wat tot oorlog kan lei.

kan lei tot breëre samewerking tussen alle blankes wat net een trou Suid-Afrika huldig.

### ERKENNING

Die begeerte van die O.B. as organisasie om die verkiesingstryd van die gesamentlike opposisie te steun, word vergemaklik deur die gewaardeerde uitnodiging van die een opposisielid, mnr. Havenga, aan die O.B. om met erkenning van sy identiteit sy deel by te dra.

In kiesafdelings waar hierdie gees heers, sal hartlike inskakeling in die stryd sonder moeite geskied.

Aan diegene wat nie bereid is om hierdie vriendskaplike erkenning te doen nie, wil die O.B. met nadruk sê dat hy terdê daarvan bewus is dat sy bestaansreg as Beweging met 'n

historiese roeping nie van hul erkenning maar wel van die oordeel van die geskiedenis afhang. Daardie oordeel wag die O.B. met gerustheid af. Intussen gaan hy met enige ondersteuningsaksie sy identiteit behou en hy sal bepaal wat die vorm en die inhoud van sy ondersteuningsaksie gaan wees in afsonderlike kiesafdelings waar anti-O.B.-gesinde kandidate die opposisie verteenwoordig.

Aan sy eie lede gee die O.B. die versekering dat hulle duidelike leiding te geleentheid sal ontvang en dat die verloop van die ontwikkelinge die tydperk van die leiding sal bepaal.

Namens die U.R. van die Grootraad. (J. F. J. van Rensburg — komdt-generaal).

# Immigrante Druk Unieburgers Uit Haarkappers Gaan Staak

Kapenaars word bedreig met die moontlikheid om dalk binnekort met lang hare te loop omdat hulle niemand sal vind wat bereid sal wees om hul hare te skeer nie. Op 'n monstervergadering wat verlede week in die stad gehou is, het lede van die Haarkappersvakbond met meerderheid van stemme besluit om na-23 April te staak indien hul werkgewers nie aan hul eise voldoen nie.

Hulle eis dat vroue-haarkappers 'n minimum salaris van £5 per week moet ontvang asook drie weke verlof per jaar.

Op die vergadering is verklaar dat as gevolg van immigrante wat die land binnegekrom het, verskeie lede van die vakbond werkloos geraak het.

## Indiërs Se Reuse-Aanwas

Statistieke van die Durbanse gesondheidsdepartement toon dat daar gedurende Maart 367 Indiër-kinders gebore is teenoor 196 blanke kinders. Gedurende Februarie was die Indiër-geboortes 193 meer as dié van die blankes. Hulle oortref ook die natuurlike-aanwas.

## Bou Goerkoop En Duursame Huise

'n Metode om 'n huis wat normaalweg sowat £3,000 sou gekos het teen 'n lae koste van £1,500 te bou, en dit binne ses weke te voltooi, is ontwerp deur mnr. W. Williams van Durban. Hy het reeds bewys gelewer dat hy daartoe instaat is deur 'n huis met vyf vertrekke binne die kort periode van ses weke te voltooi.

Die huis is gebou van beton, is koel in die somer en warm in die winter. Mnr. Williams sien in hierdie boumetode 'n kans om die huis-tekort op 'n goedkoop en doeltreffende manier te verlig. Hy het verklaar dat hy minder arbeid en materiaal gebruik as voorheen. Hy het slegs bietjie meer sement gebruik as wat met 'n gewone huis nodig is.

Hy het reeds verskeie kontrakte aanvaar vir die bou van soortgelyke huise.

## Springboklegioen Word Politieke Beweging

Die Springboklegioen, die sogenaamde oud-soldate organisasie wie se leier ene Isaacowitz is, het verlede week tydens 'n kongres aan die Rand besluit om voortaan 'n aktiewe rol in die politiek in Suid-Afrika te speel. Hy wil ook deelneem aan die ekonomiese en sosiale lewe van Suid-Afrika.

Hulle het verder besluit om by die regering aan te dring om die besluit van die V.V.O. oor Suidwes uit te voer en om met die Indiërs in Suid-Afrika te onderhandel. Voorts sal by die regering daarop aangedring word dat die Nazi-Duiters uit S.W.A. verwyder moet word en om op te tree teen die „fasiestiese” liggeme in Suid-Afrika. Hulle het ook te velde getrek teen die boikotbeweging.

# Smuts Nou Bekommerd Oor Duitsland Is Teleurgesteld Met Grottes

„Die stadium wat ons bereik het, is net so gevaarlik soos enige stadium gedurende die oorlog,” het die Eerste Minister, veldm. J. C. Smuts, verlede week met verwysing na die onheilspellende internasionale toestand, in die volksraad verklaar. Hy het ook erken dat hy teleurgestel is met die vordering wat in die rigting van samewerking tussen die verskillende moondhede gemaak is. Die poging om Duitsland te versnipper het hy ten sterkste afgekeur en verklaar dat indien Duitsland wat die hart van Europa is, versnipper word, die hele Europa vernietig sal word.

In verband met die huidige wêreldtoestand het genl. Smuts gesê dat hy erken dat daar 'n groot mate van teleurstelling is met die verloop van sake. Wat die wêreld verwag het, is nie verwesenlik nie. Daar het nie eensgesindheid gekom nie en daar moet na 'n oplossing gesoek word.

Soos sake vandag verloop, is dit duidelik dat die wêreld in twee verdeel word, die Ooste en die Weste. Tensy daar samewerking tussen die twee kampe kom, is die toekoms onuitspreeklik donker vir die mensdom. Spr. het verklaar dat dit noodlottig sal wees om op hierdie stadium Suid-Afrika in die res van die wêreld te isoleer.

Met verwysing na die oorlogsmaatreëls het genl. Smuts gesê dat hy hoop om gedurende hierdie sessie nog wetgewing in te dien wat dit sal ophef. In die wetsontwerp sal 'n tydsbepaling vir die maatreëls wat nog noodsaaklik beskou word, vasgestel word.

## DUITSLAND

Spr. het verwys na die posisie van Duitsland. Al word die pragtigste vredesverdrag opgestel en die vraagstuk van Duitsland word nie opgelos nie, sal daardie verdrag op sand gebou wees. Tensy 'n mens die regte oplossing vind op 'n eerlike en standhoudende basis, sal jy nie 'n aanhoudende vrede kry nie. Hy het gesê dat die ooreenkoms nie op wraak gegrond moet wees nie. Daar word niks goed uit wraak gebore nie.

Daar word pogings aangewend om Duitsland te versnipper en so b.v. die Ruhr-gebied wat die hart van Duitsland is, af te sny. Spr. sien geen sin in


die versnippering nie. Duitsland is die industriële hart van Europa wat die ander lande gevoed het. Mens het hier 'n nasie wat die hart van Europa is, en as jy die hart versnipper, versnipper jy nie net die hart nie maar versnipper jy die hele Europa.

Die beleid is blykbaar om die lewenstandaard van Duitsland net so laag te hou soos die lande rondom hom. Indien dit gebeur, kan 'n mens daar 'n toestand kry wat 'n verpeste

en vernietigende invloed gaan hê. Die stadium wat ons nou bereik het, is net so gevaarlik soos enige stadium gedurende die oorlog. Spr. het die hoop uitgespreek dat daar 'n oplossing gevind sal word.

Veldm. Smuts het gesê dat die gebruik van Duitse krygsgevangenes in Frankryk en Rusland na slawerny lyk en dat dit nie met die Konvensie van Geneve strook nie.

## ONTNUGTER



Genl. Smuts in San Francisco na sy eerste vergadering twee jaar gelede, toe hy hom baie hoopvol uitgelaat het oor die Grottes se vermoë om vrede te bewaar. Vandag is hy teleurgesteld en wantrouig teenoor die toekoms. Aan sy linkerkant stap Trygve Lie, indertyd Noorse minister van buitelandse sake, en tans sekretaris van die V.V.O. — 'n liggaam wat vandag alreë as 'n mishukking aanvaar word.

## Siekies Dra Gesondes Suikerbaronne se Vet Winste

Onderwyl die groot suikerbase in Natal bystand van die regering ontvang het, het hulle die afgelope tien jaar ontsaglike winste gemaak. So groot is hul winste dat die Raad van Handel en Nywerheid in sy verslag oor die suikernywerheid aanbeveel dat die maksimum kleinhandelspryse van suiker verminder moet word. Inmiddels is suiker na die buiteland teen gesubsidieerde pryse uitgevoer, hoofsaaklik na Engeland.

Die Raad beveel aan dat die maksimum verkoopsprys van suiker vanaf 1 Mei met een oortjie per pond verminder word. Die syfers wat die verslag aanhaal is gegrond op die boeke van dertien van die suikerbaronne wie se gemiddelde winste sedert 1940 £918,000 per jaar was. Die raad verklaar voorts dat dié produsente gedurende die afgelope jaar geen bystand van die regering nodig gehad het nie, hoewel hulle dit tog ontvang het.

Die raad beveel aan dat die ooreenkoms van 1933 in her-

siening geneem moet word.

Volgens die ooreenkoms moes 'n groot deel van die suikeroes na die buiteland uitgevoer word, en om hierdie uitvoer moontlik te maak, is die verbruikersprys binne die Unie verhoog. In die afgelope jaar is hierdie ooreenkoms uitgevoer ondanks 'n suikertekort in Suid-Afrika en ten spyte daarvan dat die wêreldprys van suiker ver hoër was as in die Unie. Op hierdie wyse is suiker teen belaglike lae pryse na Engeland uitgevoer en moes die verbruiker in die Unie byna dubbel soveel in sy eie land daarvoor betaal. Toe die wêreldprys vir suiker in 1946 soveel as £43 per ton was, het die Unie suiker na Brittanje uitgevoer teen £12 per ton, terwyl die verbruiker in die Unie suiker teen £22 per ton moes koop om te vergoed vir die laer prys wat die Britse verbruiker betaal. Hierdie wantoestand is deur die regering gehandhaaf en is nou veroordeel deur die Raad van Handel en Nywerheid.

# Wat Het Geword Van Duitse Gevangenes?

Hoewel berigte besonder skraal is, dui die inligting wat van Russiese bronne deurspeel daarop dat etlike honderdduisende, indien nie miljoene, Duitse soldate wat deur die Russe gedurende die oorlog krygsgevangene geneem en na Rusland ontvoer is, op een of ander geheimsinnige manier verdwyn het. Indien hulle op die gebruikelike wyse deur die kommuniste gelikwider is, sal daar geen haan ooit weer na hulle kraai nie. Die herinnering aan die massa-moord op Poolse offisiere by Katyn deur die Russe onderstreep 'n sombere vermoede.

Die Russiese regering het onlangs bekend gemaak dat daar nog net 890,532 Duitse soldate in krygsgevangenskap in Rusland verkeer. Hierdie mededeling wat deur die wêreld met verbasing aangehoor is, het verbystering in Duitsland laat ontstaan en daar word getwyfel of baie vroue ooit weer hul mans sal sien. Volgens 'n opname wat in Duitsland gemaak is, en nadat die gesneuweldes en soldate wat nog in Franse, Amerikaanse en Engelse hande is, afgetrek is, is bereken dat daar minstens tussen 3,000,000 en 4,000,000 Duitse soldate nog in Rusland moet wees.

## BETWYFEL

Sedert die staking van vyan-delikhede het die wêreld homself afgepra hoeveel Duitse soldate nog in Rusland sou verkeer. Van verskeie kante is daarop aangedring dat Rusland bekend moet maak hoeveel Duitsers nog in sy besit is. Rusland het egter tot 'n maand gelede die swye bewaar en toe skielik aangekondig dat daar nog sowat 890,000 Duitse soldate in Rusland is.

Die aartsbiskop van Keulen het tydens 'n besoek aan Birmingham verklaar dat die Duitse volk die syfers van die Russe in twyfel trek. Volgens hulle berekening moet daar baie meer wees, het hy gesê.

## MILITERE MAG?

Volgens die Overseas Intelligence Digest is die Russe besig om die oorgeblewe Duitse krygsgevangenes diep in Rusland vir militêre doeleindes op te lei onder die Duitse aanvoerders Von Paulus en Siedlitz.

Aangesien niemand in Rusland vryelik toegelaat word nie, is geen onafhanklike inligting beskikbaar nie. In elk geval is die posisie van Duitse krygsgevangenes in Rusland dié van slawe, soos genl. Smuts nou ook erken het.

## Kennis van die

# A WERELDSAKE

Vereis Bestudering van STAATKUNDE.

Skaf die volgende Boeke vir u aan.

### DIE MODERNE STAAT

deur Prof. L. J. du Plessis — 2/6 posvry.

### HEAR THE OTHER SIDE.

The Afrikaner and German Side — 2/9 posvry.

### THE GREAT GLOBE ITSELF

By W. C. Bullitt — 11/9 posvry.

„The only totalitarian imperialism that threatens war to-day is the Soviet Union.”

### THE DARK SIDE OF THE MOON — 16/6 posvry.

„Consists of a selection of personal narratives of Poles who have suffered during the Russian occupation.”

### THE SOVIET IMPACT ON THE WESTERN WORLD

By Prof. E. H. Carr — 7/3 posvry.

### REPORT ON THE RUSSIANS

By W. L. White — 13/6 posvry.

### MY ANSWER, by Oswald Mosley.

REPORT FROM GERMANY, By Leonard O. Mosley — 5/3 posvry.

## SUID-AFRIKA

### 'N TUISTE VIR DIE NAGESLAG

Deur Prof. dr. G. Cronje — 13/- posvry.

'n Blywende oplossing van S.A. se rassevraagstukke.

### AFRIKA SONDER DIE ASIAAT

Deur Prof. dr. G. Cronje — 13/- posvry.

### BEHIND THE PRESS IN SOUTH AFRICA

H. Lindsay Smith — 9/3 posvry.

### THERE ARE NO SOUTH AFRICANS

By G. H. Calpin — 13/6 posvry.

# Pro Ecclesia- Boekhandel

POSBUS 29

STELLENBOSCH

## Indiërs Word Benoud

Die Indiër-boikot in Transvaal bedreig hierdie handelaars reeds in so 'n mate met ondergang dat hulle 'n smeekbede aan die Eerste Minister en Minister van Justisie gerig het waarin hulle vra dat die regering tog moet optree en 'n einde maak aan die boikot.

Hierdie geroep gaan op van die Transvaalse Indiër-kongres. Hulle vra dat die regering geregtelike stappe moet doen teen die leiers van die boikot-beweging. Die sekretaris van die kongres het ook 'n telegram aan lede van die volksraad gerig om die saak in die raad ahangig te maak.

Daar is verklaar dat sommige mense die reg in hulle eie hande geneem het en wag staan voor Indiër-winkels om blankes te versoek om nie by die Indiërs te handel nie.

# KOMMUNISTE MAAK SKEURING

Kommunistiese invloede in die S.A. Vak- en Arbeidsraad het verlede week tydens die liggaam se kongres in Port Elizabeth 'n skeuring veroorsaak met die gevolg dat sewe sterk vakbonde hulle onttrek het. Dit is duidelik dat die vakbonde onder kommunistiese beheer die liggaam in die toekoms sal oorheers.

Die agitatie van kommunistiese kant was so sterk dat die voorsitter, mnr. A. J. Downes, in sy openingsrede kwaai te velde getrek het teen die „uiterste groepe" en hulle gedaag het om of by die meerderheidsbesluite te berus of te trap. Hy het na hulle verwys as aanhangers van vreemde ideologie wat eise stel wat op die huidige tydskop onmoontlik is, sommige met afsku vervul en ander in die kamp van onverskilliges dryf.

'n Mosie van wantroue in die bestuur is voorgestel deur mnr. E. S. Sachs en is aanvanklik aangeneem met 79 stemme teen 56. Toe 'n kaartjestemming geëis is, is dit egter verwerp deur dat 26 vakbonde wat 64,020 werkers verteenwoordig daarteen en 59 vakbonde wat 54,926 werkers verteenwoordig ten gunste daarvan gestem het.

## NAELSKRAAP

Later het mnr. Sachs voorgestel dat die kaartjie-stelsel afgeskaf word, d.w.s. dat daar gestem moet word volgens die afgevaardigdes alleen en nie op grond van die ledetal van vakbonde nie. Hierdie voorstel, wat jaarliks ingedien word, is hierdie keer net naelskraap verwerp met 66,497 kaartjestemme teen 61,807. Aanvanklik is dit met 88 teen 50 in 'n regstreekse stemming aangeneem.

Toe 'n voorstel dat natuurlike gehelp moet word om 'n vakbond apart van die blanke organisasies te stig, verwerp is, het die afgevaardigdes van ses vakbonde uitgestap. 'n Sewende vakbond t.w. die Ingenieursvakbond, het reeds tydens die wantroue-besprekings kennis gegee van uitrede. Die afgevaardigdes wat uitgestap het, is mnr. G. N. Beetge (Vuurhoutjiewerkers); L. J. van den Berg, W. J. le Roux, C. J. Roos en A. J. Pienaar (Staalwerkers); J. C. C. Botha (Drank- en Verversingswerkers); G. C. van der Merwe (Staatsdiens en Provinsiale Raadswerkers); M. J. Palm (Bouvakvereniging); J. J. van der Walt (Vleishandel, Pretoria).

## KOMMUNISME

In 'n verklaring wat hulle uitgerek het, verklaar die uitgetredenes dat die leer van gelykstelling van alle rasse sedert die stigting van die Vak- en Arbeidsraad as slagkreet aangehef is. „Hierdie beleid moet nou in belang van die blanke en nie-blanke werker verander word omdat dit van die Kommuniste afkomstig is en veroorsaak dat die natuurlike uitgebuit word." Daar word voorts die oortuiging uitgespreek dat die afgevaardigdes na die jaar-kongresse nie die wense van die blanke werkers vertolk nie. „In die omstandighede het ons besluit om by ons onderskeie vak-

Opvoeding maak 'n volk maklik om te lei, moeilik om te dryf en onmoontlik om te verslaaf.

Party-propaganda verslaaf 'n volk sonder om 'n juiste weergawe van volksake te gee. U eie dagblad vertolk volksideale en bepleit die volksaak. Koop Perskor-aandeel.

bonde aan te beveel om dit ernstig te oorweeg of 'n nuwe koördinerende liggaam vir vakbonde nie in die lewe geroep moet word nie, 'n organisasie waarin dit nie vir die kommuniste moontlik sal wees om hul idees te verkondig nie."

## STERKER

Die Kommunistiese geneigde vleuel het hom deeglik in die nuwe bestuur van die S.A. Vak- en Arbeidsraad ingegrawe. Met die verkiesing verlede week op die kongres in Port Elizabeth het hulle behalwe die ondervoorsitterskap in die persoon van mnr. J. J. Venter, 'n hele paar posisies verower. Onder ander is bekende linksgesindes soos I Wolfson, Johanna Cornelius en B. du Toit op die bestuur geplaas.

'n Kommuniste het sy tevredenheid met die nuwe bestuur openlik uitgespreek.

## Ingevoerde Parasiet Word Nou Pes

### Groentetuine Aangetas

Veeboere in Noord-Oostelike Kaapland en die Middellande voel besorg oor die feit dat hul doringlose turksvye wat hulle met groot sorg aangeplant het met die doel om dit in droogtejare as veevoer en ook as skuiling vir die vee te gebruik, deur die ingevoerde pes, cochinille en cactoblastis, vernietig word, sonder dat hulle in staat is om iets daaraan te doen. Waar die pes nie meer turksvye het om te verteer nie, is dit besig om groentetuine binne te val.

Aanvanklik het die boere gretig van die pes gebruik gemaak om die wilde turksvye wat nutteloos teen die berghange geprik het, te vernietig sodat dit plek kan maak vir voedsame veeweiding. Nou kom dit aan die lig dat die parasiete hulle nie net beperk tot die turksvye wat uitgeroei moet word nie, maar dat hulle ook uit-

## Bloedoortapping Vir Vryburg

VRYBURG. — Ter geleentheid van die jaarlikse vergadering van die S.A. Noodhulp-liga is die volgende bestuur gekies vir die lopende jaar:

Veldkornette: Mev. ds. D. C. S. van der Merwe; Kapteine: mev. Dreyer; 1ste luitenant: mev. Davis; 2de luitenant: mej. Joubert.

Die hoofbesprekingspunt was die wenslikheid om hier op Vryburg 'n bloedoortappings-dépôt in die lewe te roep. Die vergadering het besluit om dadelik hiermee te begin en fondse in te samel deur 'n funksie in die vorm van 'n tuinparty te reël in ons plaaslike park.

Die gewaardeerde vergunning van die stadsraad is hiervoor verkry en die funksie sal binnekort plaasvind. By hierdie geleentheid sal die ambulans wat deur die Noodhulp-liga-tak aangekoop is, aan die afdelings- en dorpraad oorhandig word. Die voorneme is om 'n werklike puik namiddag te reël. 'n Orkes, versersings by aparte tafels, en 'n fantasiekostuumparade vir die kinders, sluit maar 'n deel in van die interessante program.

'n Volledige program sal eersdaags in die Stellalander verskyn. (Korr.).

brei het tot die ander aangeplante turksvye.

Dat hierdie parasiet in staat is om homself etlike myle ver te versprei en voort te plant sonder menslike hulp, blyk uit die feit dat verskeie plase in Noordoos-Kaapland, waar geen parasiete in die turksvye geplaas is nie, die aangeplante doringlose turksvye reeds in 'n gevorderde stadium van vernietiging verkeer.

Ook in die Vrystaat het boere, luidens berigte, reeds met hierdie pes te kampe, terwyl berigte uit Kaapland meld dat die cochinille reeds die groentetuine begin inneem.

## TAMATIES

Toe hierdie plaag etlike jare gelede deur die regering ingevoer is, is daarop gewys dat naas turksvye die plaag ook besonder lief is vir tamaties. Hierdie waarskuwing het nou bewaarheid geword en die tamaties van boere in die nabyheid van Oudtshoorn word reeds deur die plaag vernietig. Verskeie boere het die pes in hul tuine opgemerk. Ook pampoe-ne word aangeval.

Die moeilikheid met die plaag is dat die boere geen metode of middel kan vind om dit aan bande te lê of uit te roei nie. Indien die regering nie dadelik stappe doen om deur navorsing 'n middel te vind om die plaag aan perke te lê nie, sal dit groot verliese vir die boere te-weegbring.

Stuur u POSBESTELLINGS vir

- KANTOORBENODIGDHEDE en
- SKRYFBEHOEFTE

na

SOLMS VAN NIEKERK  
Grootte Kerkgebou, Parlementstraat, KAAPSTAD — Foon 27017

## A.V.B.O.B.

Lykbesorgers, Grafsteenmakers,  
Begrafnisverzekersaars

Bloemfontein — Pretoria  
130 Takke

U Koop Altoos  
Die Jongste Modelle  
• HOEDE  
• TABBERDS  
• JASTE, ENS.

by —

## Steyns

Die Modewinkel  
PAROW

TOT U DIENS . .

## Geldenhuis Ingenieurswerke

- DRAAI
- PAS
- SWEISWERK

Wynnestraat 13 — PAROW

Sten Advertensie onder Geklassifiseerde Advertensies.

## PLUIMVEE

Die Beste Firma om u PLUIMVEE  
EIEKS en ander PRODUKTE aan  
te stuur is:

C. M. ELOFF EN KIE.  
(Edms.) Bpk  
MOREMARK (Posbus 7185) Newton

## MEUBELS

PRYSE STYG VINNIG

KOOP NOU

Ons hou alleenlik goeie  
kwaliteit Meubels in  
voorraad

## WERDA

Meubelhandelaars

(EIENDOMS) BEPERK

Grootte Kerkgebou — Kaapstad

## Beskerm u Oë

Bring u oogarts se voorskrif  
na ons. Laat gekwalifiseerde  
Voorskrif-Oogkundiges u be-  
dien.

## Wahl, Lawrence EN KIE.

BRILMAKERS

Adderleystraat 120a, Kaapstad  
Foon 22408


## KO-OPERATIEVE WIJNBOUWERS VERENIGING VAN ZUID-AFRIKA, BEPERKT.

(Geregistreer kragtens die Wet op Koöp. Verenigings, 1939).

### KENNISGEWING AAN LEDE INSAKE INTREKKING VAN AANDELE.

Lede wat hul wynboerdery opgegee het en wat begerig is om hul aandeel kragtens die bepaling van Artikel 21 van die Statuut van die Vereniging te laat intrek (waarna die K.W.V. die nominale waarde van 10/- per aandeel aan hulle sal uitbetaal), word versoek om sonder versuim met die Hoofkantoor skriftelik daartrent in verbinding te tree.

Sodanige intrekking kan egter slegs deur 'n besluit van die lede op 'n algemene vergadering geskied en aangesien die Algemene Jaarvergadering van die Vereniging binnekort gehou sal word, moet alle aansoeke vir intrekking van aandeel tesame met die betrokke sertifikate die Hoofkantoor van die Vereniging, Posbus 528, Zuider-Paarl, voor 30 April 1947 bereik.



## GEKLEUR VIR

## NUWE DIENS

KLEURSPESIALITEITE

## PAARL STOOMWASSERY

Posbus 35

Foon 214

- ★ WAS
- ★ KLEUR
- ★ DROOG-  
SKOONMAAK

DIF PAARL

HUGENOOTSTASIE.

(Goedere Halftarief)

„DIE O.E.” WOENSDAG, 16 APRIL 1947

## Wat Hou Hom Terug?

Genl. Smuts het hom verlede week in die parlement oor die kommuniste uitgelaat op 'n tydskrif toe die geheime hand van hierdie bolsjewistiese voorpos 'n skeuring in die arbeidsgelede verorsaak het. Hierdie feit sowel as die onthullings in die Amerikaanse amptelike verslag het moontlik daartoe bygedra om 'n erkenning uit genl. Smuts se mond af te pers dat die kommuniste se optrede — hul „metode”, soos hy dit noem — gevaarlik is. Hy het dit 'n molmetode genoem, die beleid om te infiltrer en magposisies in hande te kry, ver buite verhouding tot hul getalsterkte.

Daar is lank gewag op hierdie erkenning, want in die verlede het die regering soos 'n halstarrige sot volgehou dat hier geen kommunistiese gevaar in Suid-Afrika bestaan nie. Sy minister van justisie (en tans arbeid) was en is nog steeds president van die kommunistiese groep wat hulself verskuil agter die moorklinkende naam „Vriende van die Sowjet” — die sogenaamde „medereisigers” van die kommunistiese party.

Nou dat genl. Smuts die gevaar erken het, sal die volk graag wil weet wat hy gaan doen om dit die hoof te bied. Sy antwoord is egter dat daar niks gedoen sal word nie, maar dat die kommuniste „dop gehou sal word.” Hierdie dophouding geskied al sedert die eerste wêreldoorlog en nog geen klip is in hul pad gerol nie ondanks die feit dat die invloed van hierdie „klein groepie” tans so sterk geword het dat hulle tienduisende naturelle kan mobiliseer op korte kennisgewings soos al geblyk het uit stakings en Meidagvierings, en dat hulle en hul „mede-reisigers” die gesamentlike verteenwoordiging van die vakbonde al oorstem, soos blyk uit die botsings binne die S.A. Trades and Labour Council verlede week in Port Elizabeth. Soos die posisie tans is, oorheers die kommunistiese vleuel hierdie arbeidsraad sover dit afgevaardigdes betref en is die posisie tot verlede week nog net gered deur die stelsel van kaart-stemming, waarvolgens gestem word op grondslag van die ledekrag in plaas van vakbondverteenvoordigers, en selfs hierdie stelsel sal, ná die uitrede van 'n hele aantal anti-kommunistiese vakbonde binnekort omvergewerp word.

### MEERDERHEID

As daar een ding is wat baie duidelik aantoon hoe wyd die invloed van die kommuniste reeds binne die vakbondwese strek, is dit hierdie feit dat hulle op 'n grondslag van afgevaardigdes die meerderheid van werkers reeds oorstem in die hoogste arbeidsliggaam. Volgens die uitslag van die stemming oor 'n mosie van wantroue in die bestuur, blyk dit dat hierdie mense 59 vakbonde met 'n gesamentlike ledetal van 54,926 beheer het teenoor 26 vakbonde met 'n gesamentlike ledetal van 64,020. Ondanks hul agterstand in getalle, beheer hierdie „klein groepie” dus meer as tweemaal soveel vakbonde as die konserwatiewe elemente. Dit is die gevolg van hul doeltreffende infiltrasie waardeur egte vakbonde omgeskep word in propaganda-unies wat die weg moet voorberei vir 'n kommunistiese groep.

Amerika, waar die kommunistiese party nog steeds 'n onbenullige persentasie van die bevolking gevorm het, het die staat nou na deeglike ondersoek ingegryp en die land op drastiese wyse begin suiwer van hierdie vyfde kolonners. In Suid-Afrika, waar die kommuniste 'n veel groter invloed uitoefen weens hul greep op die nie-blanke oorwig, verklaar die Eerste Minister dat die woord „kommunisme” nie in ons wetboek voorkom nie, en dat daar nie opgetree kan word nie weens ons „liberale en demokratiese stelsel.” Dat die woord Ossewabrandwag en Broederbond ook nie in die Wetboek voorgekom het nie, het nogtans nie verhinder dat die huidige handlangerbewind teen hierdie landseuns opgetree het soos Amerika tans teen die kommuniste optree nie. Wat is dan die rede dat die regering weier om die kommuniste daadwerklik te beveg? Is dit omdat hulle 'n beskermheer in die kabinet het wat as hoof-intrigant van die Empire-party vir genl. Smuts onmisbaar is? Is dit omdat hier 'n Bolsjewistiese diplomatieke korps aanwesig is wat blykbaar so belangrik is dat selfs die Unie se radio-hoof aan hulle moet gaan apolokeer wanneer iets teen Russiese koerante gesê word? Of is dit omdat moeder Engeland se regering met sy sestig kommunistiese volksverteenvoordigers in sy boesem nog nie maatreëls teen die kommuniste getref het nie, maar intendeel die Russiese gesant wat weens die spioenasie-skandaal uit Kanada moes padgee, met ope arms ontvang het? Ons weet mos dat Engeland eers moet optree voordat ons handlangerbewind in beweging kom, maar sê nou Engeland tree nie op nie of hy tree te laat op?

## Treindiens Nog Meer Ontwrig

Die treindienste moes nogmaals ingekort word vanweë die sloerstaking van die vakmanne in diens van die Suid-Afrikaanse Spoorweë. Reeds tien voorstedelike treine is in Kaapstad gekanselleer, terwyl verskeie treine op die hooflyne, waaronder die Blou Trein, reeds veertien dae gelede van die rooster geskrap is.

Amptenare het verklaar dat indien daar nie tot een of

ander verstandhouding geraak kan word nie, die treindienste nog meer sal agteruitgaan. Die werkers is vasberade om by hulle eise te staan.

Intussen hoop die waens en lokomotiewe wat by die werkplase herstel moet word, al meer en meer op.

Die hoofbestuur van die vereniging van ambagsmanne vergader môre in Johannesburg. Op hierdie vergadering sal besluit word wat die verdere optrede van die vakmanne sal wees.

# Godlose Leiers Oorsaak Van Britse Verval?

Die gedagte dat Engeland se verval en teisterings toegeskryf moet word aan die feit dat hy vandag geen godvresende staatsmanne aan bewind het nie, word uitgespreek deur die bekende joernalis en politieke kenner, Kenneth de Courcy.

„Wat het met Engeland gebeur?” vra hy in 'n artikel wat hy opgestel het in die vorm van 'n brief van 'n vriendskaplike diplomaat in Londen. „In die groot dae van my voorgangers het die reuse wat hierdie land regeer of gedien het, sekere gemeenskaplike eienskappe gehad. Meeste van hulle het veel persoonlike geroef prysgegee ten einde die moeilike taak op hulle te neem om 'n land en ryk van ongewenaarde grootheid en invloed te regeer. Byna niemand van hulle het iets ontvang vir hul openbare dienste nie. Vir meeste het dit dié dinge gekos wat hulle die graagste begeer het: toewyding aan studie, sport, reis of bestuur van groot besittings.

„Vandag word Brittanje regeer deur manne wat alles te wen het uit hul ampte, vir wie politiek 'n winsgewende beroep is, manne vir wie politiek feit-

lik 'n oneindige persoonlike voordeel meebring. Baie van hulle, inderdaad die meerderheid van hulle, het geen suksesvolle private loopbane nie.

### GODSDIENSTIG

„Die ou reuse was almal tot 'n sekere mate (en sommige in 'n baie groot mate) Godvresend. Meeste van hulle, inderdaad almal van hulle, het 'n diepgaande geloof in God gehad en Hom aanbid. Hulle sou nooit daaraan gedink het dat iets duursaams sonder daardie fondament gebou kon word nie.

„Is dit moontlik dat sulke mense maar net emosioneel was? Was hul prestasies so dat ons hul godsdienstige maar net as kaf kan opsyskuif? En wat was die gevolge? Brittanje was toe geweldig sterk, ryk en groot. „Vandag is 'n groot aantal van die kabinet oortuigde ongelowiges, en baie van die

volk ook. Wat 'n verbasende verandering! Kan dit moontlik 'n verklaring wees vir die agteruitgang in welvaart, invloed en waardigheid van hierdie beroemde volk? Ek wonder.”

SHINWELL

Die skrywer wy veral 'n paraagraaf aan die minister wat verantwoordelik is vir die brandstof waaraan daar tans so 'n tekort is, die heer Shinwell. „Wat is die agtergrond van hierdie merkwaardige mnr. Shinwell?” vra hy. „Volgens Peter Howard, 'n bekende skrywer in die Sunday Express, het sy grootvader na Engeland gekom uit Pole met die naam, „Shinwald”. Sy ministeriële kleinsun, gebore uit Joodse ouers, het die skool verlaat op elfjarige leeftyd en 'n tabakwaesun geword en later 'n klere-maker se masjien. In sy vroeëre jare was Shinwell 'n uitgesproke godlose (ateïs) verbonde aan die Secular Movement in Skotland namens wie hy ook toesprake gehou het.

„Die staking in 1919 het tot onluste gelei. Shinwell is tot vyf maande tronkstraf veroordeel. Sewe jaar later toe hy sekretaris was van die verenigde seemansvakbond, is hy verhoor op aanklag van aarrandring en vir ses maande die plog opgelê om vreedsaam te leef. Dan natuurlik is daar die bekende geval toe hy Robert Bower, Konserwatiewe lid vir Cleveland, in die laerhuis gestaan het . . .”

## HULLE WOU DIE KONING NIE SIEN

(Eie Korrespondent)

PRETORIA. — Gedurende die naweek van 29 Maart (die dag waarop die koning van Engeland Pretoria binnegekome het), het die Brandwagte van die Pretoria kommando's met motors en vragmotors uit die stad vertrek om op 'n plaas in die distrik 'n gesamentlike laertrek te hou. Die offisier in bevel van die kamp was komdt. J. Prinsloo van die Moot.


Ten spyte van uiters ongunstige weersomstandighede het 'n groot aantal Brandwagte 'n aangename, koninglose naweek in die opelug deurgebring.

In weerwil van stortbuie wat telkens uitgesak het, het die verrigtinge baie ordelik en volgens program verloop.

Teen die aand het die reën bedaar en kon 'n baie genoeglike aand om die kampvuur deurgebring word. Treffendste van die verrigtinge om die vuur was 'n toespraak deur mnr. J. A. Lombard, waarin hy die werklike betekenis verduidelik het van die Ossewabrandwag se leuse: „MY GOD, MY VOLK, MY LAND, SUIDAFRIKA.”

## NATAL VERLOOR 'N GROOT KRAG

UTRECHT. — Die hele samelewing van Utrecht en omgewing was diep geskok toe berig ontvang is van die tragiese afsterwe van komdt. Karel Meiring, as gevolg van 'n motorongeluk, die nag van



Wyle Komdt. Meiring

Sondag, 6 April, op pad na Utrecht vanaf Kroonstad waarheen hy sy eggenote geneem het.

Volgens afleiding van diegene wat sy lyk gevind het, moes hy aan 'n hartaanval be-

swyk het sodat sy motor die pad verlaat, en omgeslaan het.

Die kommando van D2C3 betreur sy heengaan diep en sal nog lank terug dink aan hom as Afrikaner, vriend, en kamerad! Geniaal, vriendelik en opgeruimd, altyd bemoedigend by ontmoeting, het hy die gewone besit om almal sy vriende te maak sonder een jota van beginsel prys te gee. Alle dele van die samelewing het geweet waar Karel Meiring staan, op sosiale, politieke en geestelike gebied. Met 'n hart wat warm geklop het vir sy mede-Afrikaners, en 'n hart wat altyd oop was vir sy volksaak en sy kerk, het hy gedien. Komdt. Meiring is vir ons 'n voorbeeld wat moeilik geewenaar kan word.

Die O.E. van D2C3 is in diepe rou oor sy heengaan. Die lewe wat hy onder ons gelei het, is sy monument, die nalewing van sy voorbeeld, is ons taak. (Korr.).

### Ontheiliging Van Die Sabbat

Uit vrees dat die aankoms van die Britse koning op Sondag, 20 April, aanleiding mag gee tot grootskaalse Sabbat-ontheiliging het die gesamentlike Kommissies vir die Bestryding van Sosiale Euwels besluit om omsendbriewe aan alle predikante en Sondagskoolonderwysers van die Skiereiland te stuur waarin hulle gevra word om 'n beroep op hul gemeentes en kinders te doen om nie op daardie dag in die strate saam te drom nie met die oog op Sabbatsontheiliging.

In Kaapstad word daar reeds nuwe voorbereidings getref om die Britse koning op Sondag 'n lawaaierige ontvangs te gee. Al die sitplekke langs die strate is reeds deur die koningaanbidders bespreek.

## Geesdrif Vir O.E.-Gedagte

TZANEEN. — 'n Besondere gesellige funksie is gereël deur die Laeveld vrouekommando en is bygewoon deur die mannekommando.

Onder die skadu van reuse bome op die plaas van veldkt. Nic. van Schalkwyk het die funksie plaasgevind.

Komdt en komdte. Buitendag het die offisiere en brandwagte asook buitestaanders welkom geheet.

Daarna is word gebrail. In die middag het genl. J. J. Eloff die aanwesiges toegesprek.

Geesdrif het van begin tot end geheers. (Eie berig).

# Russe Weier Vroue Af te Staen

Vyftien Russiese vroue wat met Britse soldate getroud is, sit in Rusland vasgekeer omdat Stalin weier om hulle die land uit te laat gaan. Die vroue sukkel al meer as 'n jaar lank om Stalin te beweeg om hulle toe te laat om na Brittanje te verhuis, waar hul mans gretig op hulle sit en wag.

Die Russiese regering weier halsstarrig om gehoor te gee aan die versoek van die vroue. Selfs die persoonlike vertoë van Bevin, Britse minister van buitelandse sake, nadat die Britse gesantskap gefaal het, het geen hond haaraf gemaak nie. Die Russe het hulle nie eens verwerdig om Bevin van 'n antwoord te bedien nie.

Nog geen rede is aangevoer waarom hulle nie verlofbriewe om die land te verlaat, wil toestaan nie. Aan die vroue self het die Russe te kenne gegee dat hulle nie toestemming kan kry nie omdat Rusland al sy burgers nodig het. Volgens die verklaring sou die vroue indien hulle die land verlaat, in werklikheid hul werk laat staan.

Inmiddels het die Russe gedurende Maart ook 'n bevel uit-

gevaardig waarin 'n verbod geplaas is op huwelike van Russiese vroue met mans van vreemde moondhede. Huwelike sover as 1937 word hierdeur getref.

Met die besoek van die Russiese afvaardiging aan Engeland het die Britte hul kans waargeneem en hulle probeer beweeg om die saak in Rusland by die Opperste Sowjet aanhangig te maak. Die Russe het belowe om die versoek voor te lê maar hul verbasing uitgespreek oor die feit dat die saak soveel aandag in die Britse pers geniet.

## „Rusland 'n Groot Tronk”

Die Cape Argus, wat tydens die oorlog graag gepraat het van die „afgesaagde kommunistiese paaiboelie” wat van nasionale kant dan voorgedou word, en twee jaar gelede nog die mond vol gehad het van die voortreflikhede van die Russiese bewind en die pragtige samewerking met Rusland wat die Afrikaners dan wil bederf, het nou skielik uitgevind dat die Russiese staat sedert die afgelope twintig jaar nog altyd 'n groot „tronk” vir sy onderdane was. Tot hierdie slotsom kom die blad nou nadat 'n paar Britse soldate deur Stalin se huweliksban getref is.

Die blad skryf: „Die blote feit dat nog Stalin, nóg sy regering bereid is om toe te laat dat hierdie vroue Rusland verlaat, en die rede wat aangevoer word — dat die Sowjet-unie elkeen van sy burgers nodig het — is bedrog. Die waarheid lê dieper. Sedert die revolusie in 1917 is die volk van die Sowjet so goed as in die tronk gegooi en die mees strenge maatreëls is getref, en word vandag nog afgedwing om hul „ontsnapping” te voorkom. Permite om die land te verlaat word nie alleen aan jong en liggaamlik gesonde persone geweier nie, maar ook aan ou en verswaktes en aan lastige applikante word te verstaan gegee dat verdere pogings hulle in onguns by die overheid sal bring. In die eerste jare van die rewolusie was die verduideliking wat aangebied is, dat die Russe wat verkies om die land te verlaat, kontra-rewolusioniste is wie die Sowjet verkies om onder bewaking te hou. Vandag is die kontra-rewolusie en die kontra-rewolusioniste dood. Daarom vind die Sowjet 'n nuwe ekskuus in die tekort aan mannekrag en is skynbaar so desperaat in die behoefte aan ar-

## Uniforms Vir Wie en Wat?

Die bestelling van 1,500,000 militêre uniforms wat Amerika in Engeland geplaas het, het die argwaan van die wêreld gaande gemaak en geen bevredigende verklaring oor die doel daarvan kan verkry word nie.

Die bestelling wat ongeveer £2,500,000 bedra, is deur die Britte van die hand gewys as gevolg van die inkorting van Brittanje se produksie-vermoë. Fabrikante by wie die bestelling geplaas is, kan dit nie klein kry nie omdat dit bekend is dat Amerika nog self baie wol het om te verwerk. Na berig word, probeer Amerika die bestelling in Duitsland plaas.

## „Was Geen Vakansie Vir Koning”

Die Engelse pers in Suid-Afrika wat aanvanklik met groot opskrifte aangekondig het dat die Britse koning en sy gevolg 'n vakansie in Suid-Afrika kom deurbring, vind dit nou nodig om hulle woorde weer in te sluk en moet erken dat dit geen vakansie vir die koning was nie.

Nou dat die toer van die Britse gesin in Suid-Afrika byna voltooi is, verklaar die Cape Times: „Vir die eerste keer word die koning se afge-matheid vermeld... Ek het geen twyfel dat dit geen vakansie vir die koning was nie. Sy toer in Suid-Afrika het net die las wat hy gedurende die oorlog op sy skouers gehad het, vermeerder.” Om bietjie duideliker te wees: die koning moes die bande van die Britse Ryk nouer trek daar hul dreig om uitmekaar te val, en dit was 'n uitputtende taak!

## Boerejeug Weier Koning te Sien en Medaljes Te Neem

ROEDTAN, Tvl. — Die pragtige republikeinse gees van Roedtan se Boerejeug het 'n besieling geword vir baie buitestaanders.

Tagtig van die honderd-entien kinders in die plaaslike skool het botweg geweier om die medalje van die koning te ontvang.

Aan die kinders is gesê dat reëlings vir vervoer getref sal word vir diegene wat die koning op Pietersburg wil besoek. Niemand was geïnteresseerd nie. 'n Doodse stilte het geheers onderwyl elkeen die geleentheid gekry het om na vore te tree en sy medalje te ontvang.

Die meeste kinders het hulle koppe weggedraai of laat sak,

omdat hulle dit nie eers wou sien nie en gesê: „Nee dankie meneer, ek wil dit nie hê nie.”

Hulle het later op 'n vergadering gesê: „Ons wil die koning nie eens sien nie. Ons het ook niks op Pietersburg verloor nie. Ons het 'n President verloor ja, en ons wil weer 'n President hê.”

Die kommando se gees is soos nog nooit te vore. Daelijks word nuwe lede ingeskryf, en die samewerking is pragtig.

Vroeg in volgende kwartaal word 'n braaiwleisaand gereël waarop om die kampvuur die aanbou van jukskei- en 'n skietbaan bespreek sal word. (Korr.)

beidskragte dat hy nie vyftien vroue uit 'n bevolking van 180 miljoen mense kan spaar nie.

„Is dit moontlik dat die eintlike waarheid van die saak die begeerte van die Sowjet is om nie soseer beslag te lê op die burgers van die Sowjet, as die waarheid omtrent Rusland nie? Die gordyn word telkens weggetrek deur teruggekeerde perskorrespondente soos W. H. Chamberlain en Alex. Werth maar die omvang van die inligting wat hulle in staat is om te gee, word ernstig beperk deur die aan bande lê van die bewegings van persmense in Rusland en hul beperkte kontakpunte. In die geval van die Russiese volk is dit anders. Hulle weet. Miskien weet hulle te veel en dit mag een van die redes wees vir die ystergordyn — en vir Stalin se onvermoë om paspoorte aan 15 vroue uit te reik.”

## Net Seels Met Koning se Kop

Dit het die afgelope week twee keer gebeur dat lede van die publiek in Kaapstad nie in staat was om gewone posseëls oor die toonbank by die poskantoor te koop nie. Daar was slegs seëls met die kop van die Britse koning daarop verkrygbaar. Diegene wat verkies het om seëls te koop sonder die kop van die koning, moes sonder seëls gaan of tevrede wees om hul briewe met die kop van die Britse koning te ontsier.

Navrae het aan die lig gebring dat daar genoeg ander seëls in voorraad was maar dat die betrokke amptenare om een of ander rede nie die moeite gedoen het om gewone seëls uit die brandkamer te haal nie en so megedoen het om die Britse koning aan die publiek op te dring.

'n Gek is 'n persoon wat nog nooit 'n eksperiment gemaak het nie.

Om Perskor-aandele te koop is geen eksperiment nie. Dis 'n volksaak.

## DIE KUNS VAN DIE MEESTER . . .

Die tek se konne bepaal


die waarde van U maal

. . . 'n Seortegelyke

deskundigheid verseker

U van die waarde van

Kommando-sigarette.



RONDE  
**Kommando**  
-SIGARETTE

OK OVAAL VIR DIEGENE WAT DIT VERKIES

D.M. 2157

**Lyk Hierdie Jaar Op U Beste!!**  
Ons bied die Allergrootste oggend- en middag-  
rokke aan.

Lo- en Fremode Kostuums - - -

**VAN ZYLS**

Hoofstraat - - - Paarl

## Volkskas - Aandele

KENNISGEWING

Vir algemene inligting word hiermee bekend gemaak dat daar nog 'n beperkte aantal (gewone) VOLKSKAS-aandele vir inskrywing beskikbaar is.

Vollediger besonderhede is vervat in die betrokke prospektus waarvan eksemplare verkrygbaar is van alle takke of van die Hoofkantoor van die Bank, Posbus 578,

Pretoria.

**VOLKSKAS BEPERK**



Bankiers

PRETORIA.

Hoofkantoor:

## REISPROGRAM GENL. W. R. LAUBSCHER in Generaalskap A15

17 APRIL	KEIMOES	7.30 n.m.
18 APRIL	KANON EILAND	7.30 n.m.
19 APRIL	UPINGTON	7.30 n.m.

## in Generaalskap A17

21 APRIL	KAROS	7.30 n.m.
22 APRIL	GROOTDRINK	7.30 n.m.
23 APRIL	GROBLERSHOOP	7.30 n.m.
24 APRIL	NIKERKSHOOP	3.30 n.m.
25 APRIL	PRIESKA	7.30 n.m.
26 APRIL	MARYDALE	3.30 n.m.

Generaalsraadvergadering A13  
28. APRIL CARNARVON (Gedenksaal) 2 n.m.

Alle Vriende en Belangstellendes word  
Hartlik Uitgenooi Bogenoemde  
Vergaderings by te woon.

GEKLASSIFISEERDE ADVERTENSIES

TARIEF VIR GEKLASSIFISEERDE ADVERTENSIES:

Maanddelike Kennisgewings:

(Verloving, huwelik, geboorte, sterfgeval, in memoriam, gelukwensing, ens.) 1 1/2 d. per woord; minimum 3/- per plasing. Vooruitbetaalbaar. Vir herhalings 25 pst. afslag.

Handelsadvertensies:

Enkel plasing (vooruitbetaalbaar) 2d. per woord. Minimum 4/- per plasing. 2 tot 26 plasinge (vooruitbetaalbaar) 1 1/2 d. per woord, minimum 3/- per plasing. 52 agtereenvolgende plasinge: 1d. per woord, minimum 2/6 per plasing. Plasinge tot kansellasië, 1 1/2 d. per woord, minimum 3/- per plasing.

Intekengeld op „Die O.B.“ (verskyn weekliks): 10/- per jaar of 5/- vir 6 maande. Vooruitbetaalbaar. — Stuur advertensiebestellings en intekengeld na: DIE O.B., Posbus 28, Stellenbosch.

VERLOWING

VERMAAK — ROETS. — Hiermee maak ons, Lottie, jongste dogter van mnr. en mev. H. A. Roets, Boshock, en Jan, Munisipale Kantore, Rustenburg, jongste seun van mnr. en mev. G. A. Vermaak, Krugersdorp, bekend dat ons op 5 April verloof is. 16/4/1B

AGENTSAPPE

VAN REEBEK TRUSTMAATSKAP- PY BEPERK, Voortrekkerweg, Bellville, bied sy bekwame dienste aan wanneer u eiendomme wil koop of verkoop, met geldbeleggings, verbaarde ens. Doen aansoek by POSBUS 48, Foon 9-7222. 27/11/TK

VRYSTAATSE GOUDVELD EIENDOMME

Vir Eiendomme Henneman, Odendaalsrust omgewing, raadpleeg WELKOM EIENDOMS- EN TRUST AGENTSKAP, Henneman (Eienaars Alberts en Greeff). Foon 43, Telegramme „Weta.“ 16/4/TK

BENODIG

JONG SEUN vir plaashulp, gemengde boerdery. Inwoning vry. Moet O.B. wees. Ondervinding geen vereiste, slegs begeerte om te boer. Besonderhede en salaris verlang. Skryf aan: M. D. MAARTENS, Jr., Paardfontein, CEDARVILLE, Oos Griekwaland. 16/4/3

HANDELSREISIGERS

TWEE HANDELSREISIGERS benodig (een vir Kaapse Skiereiland en een vir Oostelike Provinsie). Aansoek word ingewag tot 28 April 1947. Appikante moet eie motor besit, en volledige besonderhede verskaf omtrent opleiding, ondervinding, kennis van tektale, ouderdom, ens., en twee onlangse getuigskrifte insluit. — DIE KOPERSBOND BPK., Posbus 2120, Kaapstad. 16/4/2

BOME, PLANTE EN SAAD

BESTE GESERTIFISEERDE SAAD: Detroit Beetsaad 7/-; Chantenay Wortelsaad 10/-; Suiderkruis en Reliance Blomkool 16/-; Spitzkopkoolsaad 8/-; Blaarsaad 17/6. Uie: Australiese Bruin 6/6; Silver King 9/-; Kaapse Plat 7/6; Tamaties: Marvel 20/-; Marglobe 32/-; Van Zyl Bone 115/- per 200 pond. Volledige pryslys verkrygbaar van PREMIERS, Schoemanshoek, Oudtsnoorn. 11/12/TK

HERHOLDT se geakklimatiseerde Vrughtebome en Rose groei, dra en stel tevrede vanaf Kaaplant tot Zambesi, maar... die aanvraag is groot en onmiddellike bespreking is noodsaaklik vir Julie-Augustus-plantyd. Pryslyste gratis. — HERHOLDT SE BOOMKWEKERIE, Posbus 660, Johannesburg. 19/3/TK

HERHOLDT se nuwe Afrikaanse geïllustreerde TUIN- EN SAADGIDS is nou gereed. Dit bevat 'n volledige lys van die wêreld se beste Groente en Blomsaad. Bevat sensasiewekende nuwe soorte en is gratis op aanvraag. — HERHOLDT SE SAAD-DEPARTEMENT, Posbus 660, JOHANNESBURG. B/19/3/TK

LUSEIN aangebied teen markprys. Telegraaf hoeveelheid nodig en ek sal prys opneem, gelewer Eastpoort. K.M.B. — N. WIENAND, Pk. Eastpoort. 28/2/4

LUSERSAAD. — Nuwe oes, standaard-gehalte, vry van dodder. Hunter's River tot 100 lbs., 1/6 per lb., 112-10-0 per 200 lb.-sak. Provence, 1/4 per lb., 111-15-0 per sak. Kontant met bestelling. Wêreld se beste Groente- en Blomsade. Geïllustreerde Katalogus gratis. — HERHOLDT SE SAAD-DEPARTEMENT, Posbus 660, Johannesburg. A/19/3/TK

TAFELAATAPPELS. — Pragtige, gesonde en vars Graad I teen 18/- per 140 lb.; 4/- per 35 lb.; Graad 3 teen 10/- per 140 lb.; 2/6 per 35 lb. Vark-aartappels teen 4/- per 140 lb. V.O.S. Bethlehem in nuwe sakke. Leë sakke terug. Ek waarborg tevredeheid. — S. W. RABIE, Kommandant, Bus 328, Bethlehem. 2/4/TK

UIESAAD. — Eersteklas gesertifiseerde Uiesaad, Vroeë Kaapse Plat Geel 8/- per pond; Australiese Bruin 6/6 per pond. Posvry. K.M.B. — GERT VAN ROOYEN, Louwerwater, Uniondale. 12/3/TK

VARS GESERTIFISEERDE GROENTESAAD. — Per 1/4 pond, 1/2 pond en 1 pond: Spanspek, 4/-, 6/-, 10/-; Tom Watson- en Wonder-Waaltelmoen 4/-, 6/-, 10/-; Tamaties, Beauty en Marglobe, 9/-, 17/-, 32/6. Australiese Bruin Uie, 6/-; Vroeë Kaapse Plat Uie, 7/6. Detroit-Beet 7/6. Plat Egiptiese Beet, teen 7/6 pond. Chantenay wortel, 7/6 per lb., 1/2 lb. 4/9. Volledige pryslys van: KAROO-SAADVERSPREIDERS, Posbus 107, Oudtsnoorn.

GEMENG

ELEKTRESO (Edms.) Bpk. elektrisiteits- en werktuigkundige ingenieurs. Hoofweg 30, Bellville. Vir herstelwerk aan alle elektriese huisbenodighede; ankerwikkeling; elektriese herstelwerk aan motors, draal-pas-, sweis- en herstelwerk aan alle plaas- en ander gereedskap. Telefoneer 9-7223. 27/11/TK

DRAAL-, PAS- en SWEISWERK en die oprigting en instandhouding van fabrieks- en ander masjinerie word onderneem deur GELDENHUYS SE INGENIEURSWERKE, Wynestraat 13, Parow. Diens gegrond op 30 jaar praktiese ondervinding. — Eienaar: D. J. Geldenhuys. Foon 989139.

LOOIERY. — Velle word bewerk na keuse, d.w.s. in leer, goed vir tuie, sool, oorleer, ens. Om besonderhede skryf aan: L. B. SIEBRITS EN SEUN, FRANSCHHOEK, K.P. 19/3/TK

SKOENREPARASIES. Ondersteun u mede-Afrikaner en wees versker van die beste dienste by VOORTREKKER SKOENHOSPITAAL, Langstraat 291, KAAPSTAD. Foon 30164. 4879/26

VAN'S CONCRETE PRODUCTS. — Terazzo Kombuis- en Handwasbakke, Baddens, Septiese Tenks, Pilare, Vloerteëls, Voertroe. Enigiets in beton. — Direkteur: P. W. en P. G. VAN HEERDEN, Potgieterstraat 258, PRETORIA.

GENEESMIDDELS

BEHANDELING GRATIS. — Ons is daar so oortuig van dat ons 'n egte Suid-Afrikaanse geneesmiddel vir Rumatiek, Lendepyn, Heupjig en verwante kwale ontdek het, dat ons 'n gratis proefmonster aan enige lyster sal stuur. — Stuur 1/- vir posgeld ens., aan: ANDREWS SE PYNPLEISTERS, Posbus 775, Pretoria.

BLY JONK.—GRYSHAARWONDER. Die nuutste wêreldwonder teen grysheid waarborg herstel van gryshare vir goed tot natuurlike kleur. 5/- per bottel posvry. Geld met bestelling. — Skryf: BOEREGENEESMIDDELS, Posbus 4272, Johannesburg.

HAARKAPPERS

Vir 'n eersteklas haarkap besoek ELS'S HAARKAPPER SALON, Kempstonweg 223, Berry's Hoek, Port Elizabeth; sowel as vir al u weelde-artikels, eetgereedskap, juweliersware ens. 27/11/26B

HORLOSIEMAKERS

DESKUNDIGE HERSTELWERK aan Horlosies. Alle werk word gewaarborg en spoedige aflewering. — P. PRETORIUS, Keeromstraat 18, Kaapstad. (Voorheen Kerkstraat 69). Foon 2-5454

VIR HORLOSIEREPARASIES spreek STEYN, posbus 3531, Kaapstad. Private adres en voorlopige werkswinkel: Joubertstraat 37, VASCO. 5560

HOTELLE

MAJESTIC HOTEL, Ceres (Eienaar J. W. Brummer) Foon 114). Kom geniet 'n heerlike vakansie in 'n rustige landelike omgewing. Uitstekende dienste, etes en slaapplek. Steeds tot u diens! 4878/52

KLEREMAKERS

Vir 'n goeie pak kiere of kostuum kom na 'n eersteklas anyer F. C. HAGEN, Voortrekkerweg 74, PAROW. 5605/52

SWART, voorlopig hoek van Merriman en Cookstrate, VASCO. Die Kleremaker met 'n reputasie. Hou dop vir sy nuwe adres.

TE KOOP AANGEBIED

AARBEIE. — „Laxton's Noble" en „Everbearing," gemeng teen 5/- per 100, £2 per 1,000. Posgeld en verpakking ekstra. — MALUTI KWEKERY, Ficksburg. 16/4/4B

AARTAPPELS. — Goeie gesonde, Tafelaartappels, teen 3/6 per sakke van 40 lbs. Ook saadaartappels, derdejaar Vaalharts, eier- en okkerneut-groente gemeng, teen 6/6d. per sakke van 40 lb. Prys is V.O.S. Bethal, en sluit die sakke in. — J. SPIES, Posbus 100, Bethal, Tvl. 16/4/TK

BRANDIOUT. — Swartwattel, gesaag in blokkies 1 vt.-lengte, gelewer in trok Outenikwa-Halte. — H. H. MEYER, Kleinfontein, Pk. Sinksbrug, George. 19/3/TK

GEREGISTREERDE STOETBUL. — Jersey, „Willowview Prince," geteel deur Trollop, Pretoria, en grootgemaak op swaar hartwaterveld. Vyf jaar oud en is vroeg in 1944 deur veerarts vir hartwater behandel. Sedertdien gesout. £65 vry op spoor Pyramidstasie. Ook sy bulkalif „Erlank Secundus," tien maande oud, ook geregistreer in Jersey-stoetboek. £25. Albei is die regte kope vir iemand in 'n hartwaterstreek. Rede vir verkoop: om in teel te vermy. — Skryf aan I. FERREIRA, Bus 1059, PRETORIA. 16/4/3B

VOËLS AS HUL ENIGSTE MAATS EN GESELSKAP

Eensame Opsigters Van Ons Ghwano-Eilande

Afgesny van alle sosiale omgang met hulle medemens en beroof van baie geriewe en voorregte wat die steding en platteland as vanselfsprekend aanvaar, woon daar op verskeie van die verlate, rotsige eilande rondom die kus van Suid-Afrika eensame opsigters met hulle gesinne vir wie daar maande omgaan wat hulle geen ander mens sien nie en wat net een keer per jaar die voorreg het om die vasteland te besoek. Hierdie manne is die wagtors oor die Unie se ghwano-voorraad en sien toe dat niemand hom onwettig aan ghwano help nie.

Dit is op hierdie eilande waar spanne kleurlingwerkers tans weer die rustige lewe van die seevoëls verstoer en besig is om die ghwano bymekaar te skraap om die voedselproduksie van ons land te verhoog.

As mens die taal van die voëls wat snaterend heen en weer gedryf word soos kon snap, sal dit seker blyk dat hulle ook soos baie ander ontevredeenes besig is om te agitator en met sloer-stakings wou dreig indien hulle rus nie herstel word nie. Nieteenstaande hulle protes gaan die insameling van ghwano sonder verposing voort.

Die Unie kry sy ghwano van twee groepe eilande, dié langs die westkus van Suid-Afrika in die omgewing van Suidwes en van groepies eilande langs die ooskus.

Die noordelike eilande naby die Suidwes-kus kry nooit reën nie, terwyl die eilande langs die ooskus slegs gedurende die winter reën kry wanneer die voëls, van wie die ghwano ingesamel word, nie broei nie. Die klimaat is niters geskik vir die insameling van ghwano maar maak die lewe van die opsigters en seisoen-uitsamelaars van die ghwano uiters onaangenaam.

WATERSKIP

Op geen een van die noordelike eilande is daar dus natuurlike water nie en moet alle water wat daar verbruik word van die vasteland na die eilande

SKAAPHOND. — Een mooi skaaphond, 6 maande oud, en belasting betaal. Twee middelwit varke. £8 die paar. Hond £15/-. Gelewer P.S.R. K.M.B. — JOES DE JONGH, Osipoort, Philippolis. 16/4/1B

SOUT. — Ek vra u vriendelike ondersteuning as jong beginner en Boerejeuglid. A1 48/-; No. 1 43/-; No. 2 38/- per ton. Alle sakke terug so goue as moontlik. — S. J. DE BEER, Soutwerke, FLORISBAD. 2/4/TKS

SWARTHOUT vir Huisraadmakers teen 7/- per kubieke voet. Skryf aan: J. GERBER, Bus 127, George. 9/4/2B

U ondersteuning Brandwagtel! Sout te koop: A1 59/-; No. 1 54/-; No. 2 49/- per ton. K.M.B. Ex-Soutwerke. J. H. VENTER, Vanbank, Pk. Florisbad. 32B

VYF LB. GESUKERDE VRUGTE gelewer aan vriende in Duitsland, Holland, België, Frankryk en Oostenryk vir 15/-. Terme is kontant met bestelling. — BRINK BROERS BEPERK, MONTAGU. 16/4/5

TE KOOP GEVRA

BENE. — Die voorsiening van beenmeel is kort. Alle persone wat toegang tot bene het, word ernstig versoek om dit sonder versum aan ons te stuur. Ons betaal £7 per ton (7/- per 100 pond) vry op spoor u stasie of sylyn. Dit is noodsaaklik dat adviesbriewe gepos moet word as bene gestuur word. Spoedige betaling word verseker. Leë sakke word VRY teruggestuur. Ons voedingsvoorstening hang af van die voorstening van beenmeel. — S.A. HUNT BEENMEEL- EN KUNSMIS-MAATSKAPPY, Warrenton.

RADIO

LOUW EN LOUW, die Beroemde Radio-ingenieurs, Baniweg, PAROW, verkoop en herstel Radio's en Elektriese Toestelle. Geregistreerde Elektrisiteits-aannemers. Foon 9-8435.

Hollanders Wil Na S.A. Kom

Indien die Nederlandse regering bereid sou wees om toe te laat dat Nederlanders na willekeur uit Nederland emigreer, sal 'n baie groot deel van die Nederlandse bevolking hulle aanmeld vir migrasie na Suid-Afrika, aldus persone wat onlangs uit Nederland in Kaapstad aangekom het.

Die Nederlandse arbeidsraad het egter 'n verbod geplaas op die migrasie van geskoolde vakmanne na die buiteland omdat daar gevoel word dat die manne nodig is vir die heropbou van Nederland wat swaar onder die oorlogsgeweld gely het. Nederland self ondervind 'n groot tekort aan arbeidskragte, en kan nie bekostig om van sy arbeiders te verloor nie.

Hierdie beleid word bykans deur alle regerings in Europa toegepas. Watter hoop het die Smuts-regering dan om vakmanne in te voer? Slegs diegene wat nie oorsee gebruik kan word nie, sal hier aan wal spoel soos reeds geblyk het uit die aantal immigrante wat onlangs in Suid-Afrika aangekom het. Sommige van hulle was van so 'n tipe dat hul mede-passasiers op die boot skaam was om met hulle in verband gebring te word.

MARKAGENTSAP VROEE MORE-MARK KAAPSTAD

Betaling geskied onmiddellik weekliks, maandeliks of soos verlang

Beste heersende pryse

MINNAAR

EN VAN SCHOOR

Eiensar: GUSTAV RETIEF

VIR PERSOONLIKE FRISHEID



GEBRUIK K.W.V. RUIMSKOOTS IN DIE BAD



EN NA SKEER.

K.W.V. EAU de COLOGNE

Enigste Suid-Afrikaanse Distribueerders H. J. NIEHAUS (EDMS.) BEPERK, Posbus 2108, Kaapstad. Posbus 4883, Johannesburg.

# Amerikaner Vergaap Hom Aan Britse Parlement

## „Geen Voorbeeld Vir Jongeres”

Dat die „Moeder van Parleme” nie juis agter staan by die jongere spruite wat onwaardigheid en belaglikheid betref nie, blyk uit onderstaande opsomming uit 'n Amerikaanse berig in Time oor die Britse Laerhuis:

Aangehits deur ironiese hoorhoors van die Arbeiderskant het Churchill te velde getrek teen die „idee van regering van die volk deur amptenare vir die partybase.” Arthur Greenwood, onderleier van die Arbeidersparty, het opgestaan om die vanlywetsontwerp te verdedig as 'n „nuwe proefneming wat berus op die gesag van hierdie huis.” Rooiwang Quinton Hogg met die voorkoms van 'n grensende baba, het uitgeroep: „Noem dit die Reichstag en basta daarmee!” Greenwood het teruggeskreue: „Ek dink al die potensiele Führers is aan die ander kant.”

Vanaf 'n Torie-agterbank het brigadier Harold Ripley op bittere toon ingemeng: „Is dit in orde vir die hoogagbare heer om diegene van ons wat iets vir ons land gedoen het, Nazi's te noem? Indien so, kan die hoogagbare lid daarvan oortuig wees dat ek hom as 'n lae fascis beskou.”

Dit het 'n hele oproep veroorsaak en uitroep van „Tiranne!... Stop sy mond!... Komaan, Hitler!” het deur die vergulde saal geklap.

### SONDER HOED

Die klok het Greenwood gered. Toe Big Ben twaalfuur aankondig, het hy voorgestel dat die debat sluit en dat daar gestem word. Waansin het weer losgebars en dit was byna 'n minuut voordat hy gehoor kon word.

Toe het sir Gifford Fox 'n parlementêre beswaar geopper deur aan te voer dat Greenwood buite orde is aangesien hy sy voorstel ná twaalf en nie stiptelik twaalf uur nie gedoen het, soos die prosedure bepaal. Sir Gifford is egter self op 'n punt van orde neergehaal.

Hy het nie 'n hoed opgehad nie, en die regulasies bepaal dat 'n lid „bedek en sittend” maak op 'n punt van orde ty moet wees wanneer hy beswaar het 'n desperate poging aangedens 'n stemming. Sir Gifford wend om 'n stuk papier op sy kop te balanseer. Die speaker wou egter niks te doen hê met sulke hoed-manewales nie en het hom buite orde gereël. Iemand het sir Gifford 'n swart Homburg aangegee, maar tevergeefs. Sy beswaar verval en die valbyl-wetsontwerp is met 289 teen 150 stemme aanvaar.

### LEMOEN

Die volgende dag het die gevoelens weer hoog geloop. Churchill is bestraf toe hy 'n agterbanker in die rede geval net. „Jy kan nie ongenooïd instorm nie („gate-crash”)”, het die speaker hom toegesnou. Bleek van woede het Churchill gesê dat „gate-crash” 'n lelike woord is en die toepassing daarvan op hom was ongeoorloof. Die speaker het geantwoord dat hy jammer is.

'n Bietjie later het Churchill se hees stem, onderwyl hy besig was om met sy voorbankers te beraadslaag, ingemeng met sir Stafford Cripps se verdediging van die verlatting van Indië. Cripps het Churchill versoek om nie so hard te praat nie. Sir Stafford Cripps moes egter nog 'n onderbreking verduur. Robert Boothby het gevra:

„Is dit in orde vir 'n agbare lid om 'n lemoen tydens die debat af te skil en te eet?” Plegtig het die stoel gereël: „In hierdie saal rook 'n mens nie, kou 'n mens nie gom nie, eet 'n mens nie sjokolade en lekkergoed nie, en 'n mens mag ook nie 'n lemoen in hierdie saal afskil en eet nie.”

Die oortreder, James Dixon Murray, 'n oudmynwerker, het haastiglik die lemoen en die skille in sy sak gestee.

Boothby het verduidelik: „Ek kan die reuk van die goed nie verdra nie.”

Die verslaggewer het sy berig afgesluit met 'n verwysing na Churchill se kennisgewing aan die einde van die debat dat hy 'n mosie van wantroue die volgende week gaan voorstel, en gesê: „Die Moeder van Parleme bied nie juis 'n voorbeeld van kalme beraad aan die jongere demokrasie nie.”

# Brittanje Word Onverskillig Met Atoomgeheime

Brittanje het voorverlede week al sy geheime inligting oor atoom-navorsing en die maak van die atoombomme ter beskikking van wetenskaplikes van alle nasies gestel.

Al wat diegene wat dit ter insae wil hê moet doen, is om by die atoomkrag-afdeling van die minister van voorrade aansoek te doen om die verslae onder oë te kry. Dit sal dan sonder meer aan hulle gegee word.

Altesaam is daar 72 rapporte wat besonderhede bevat oor hoe die ontplofbare uranium van die skadelose produk geskei en die uranium tot ontploffing gebring moet word.

Verskillende kodes word in die verslae gebruik. So staan die Britse atoom-ontwerp bekend as „die buis-allooi” en die uranium word beskryf as „X-metaal”.

Amerika het nog steeds geweier om sy geheime te verklap en selfs Engeland is nie ingelig daaromtrent nie.

# Oud-Speaker Pleit Vir Hoër Peil In Volksraad

Die gehalte van die besprekings deur sommige lede in die volksraad het die afgelope week weer so gedaal dat 'n lid van die raad hom verplig gevoel het om 'n beroep op die Eerste Minister en die speaker te doen om toe te sien dat die waardigheid van die volksraad gehandhaaf word.

Redenasies in die raad is dikwels so laagvloers en kleinlik dat besoekers van die platteland wat die „deurlugtige” volksraad vir die eerste keer betree, dit nie kan klein kry dat dit werklik die toedrag van sake is nie. Die indrukke wat hulle in die raad self kry en die verslae wat hulle in die pers lees, vind hulle heeltemal in teenstelling met mekaar. In die verlede het ons dikwels lang „toesprake” uit Hansard aan-

gehaal om die feit onder die aandag van die publiek te bring.

Dr. E. G. Jansen (Wolmaransstad) wat vyftien jaar lank Speaker van die raad was, het hom verlede week genoodsaak gevoel om tydens sy eerste toespraak as gewone lid 'n beroep op die Eerste Minister te doen om die waardigheid van die raad te handhaaf en nie toe te laat dat sulke dinge gebeur nie. Hy het dit gedoen na aanleiding van 'n toespraak van die Minister van Lande, mnr. A. M. Conroy.

### SEN. CONROY

Mnr. Conroy was besig met 'n aanval op die Broederbond en die opposisie toe dr. Jansen op 'n punt van orde opgespring en teen die peil van die debat geprotesteer het. In 'n toespraak kort daarna het hy gepleit vir 'n verhoging van die waardigheid van die raad, en veral die feit betreur dat 'n Minister die voorbeeld stel.

Dat 'n oud-speaker dit nodig ag om na 'n lang afwesigheid in sy eerste toespraak te pleit vir 'n verhoging van die peil van die volksraad, sal deur die publiek met besorgdheid bejeën word, en die vraag kom op of hierdie toedrag van sake gewyt moet word aan dieselfde oorsaak wat 'n Britse politieke kenner opnoem vir Brittanje se agteruitgang, nl. dat Engeland „regeer word deur manne wat alles te wen het uit hul ampte, vir wie politiek 'n wingewende beroep is, manne vir wie politiek 'n oneindige persoonlike voordeel meebring, en baie van wie geen suksesvolle private loopbane het nie.”

Die vrou is die middelpunt van die huisgesin — die moeder die middelpunt van die volkslewe. Koop Perskor-aandele en u eie dagblad sal u die waarheid vertel.

# Regering Verswyg Onkoste

Eenduisend vyfhonderd sesentwintig amptenare was teen die einde van verlede jaar betrokke by die sogenaamde rantsoeneringskema van die regering wat hopeloos in duie gestort het.

Min. Mofmeyr wat hierdie inligting in die volksraad verstrekte het, het verklaar dat die onkoste wat aangegaan is met die skema, nie beskikbaar is nie vanweë die feit dat van die state by die drukkerij is. Die koste wat aangegaan is om sir. Henry French hier te kry, wie se aanbevelings aanvaar dog nie uitgevoer is nie, het die staat £1,484 gekos.

# Henry Ford Oorlede

Henry Ford, die invloedrykste motormagnaat wat die wêreld geken het, is verlede week in Detroit, V.S.A. in die ouderdom van 84 jaar oorlede. Nie alleen was hy die wêreld se eerste biljoener nie, maar hy sal ook onthou word as die persoon wat massa-produksie tot 'n ongekende hoogte gevoer het deur die instelling van 'n bewegende monterband.

Van 'n arm plaasseun wat op twaalfjarige leeftyd begin belang stel het in die vervaardiging van motors, het Ford hom opgewerk tot die grootste motorfabrikant van alle tye, en kon hy met genoeg terugkyk op die sukses wat hy behaal het.

Die Ford maatskappy wat in 1903 gestig is, lewer vandag 4,000 motors per dag en verskaf werk aan 75,000 arbeiders. Sy fabriek beslaan vandag feitlik die hele stad Detroit.

Agtien maande gelede het Ford sy werksaamhede as bestuurder van die maatskappy neergelê en die taak opgedra aan sy kleinseun, Henry Ford II.

### GOEIE BAAS

Hoewel Ford deur sy metodes van massa-produksie die werker tot 'n stuk masjien

verander het wat net op een onderafdeling moes spesialiseer, het hy 'n sterk gevoel gehad vir die sosiale welvaart van sy werkers. Hy het minimumlone ingestel en selfs in tye van finansiële krisis, wanneer alle lone besnoei is, het Ford sy werkers se lone verhoog en hul werke verminder. Sy ideaal was juis om die gewone man in besit te stel van die geriewe wat die tegniek bied, en daarom het hy hom daarop toegelê om so goedkoop moontlik te produseer. Dit was dan ook veral die Ford-motor wat ook in Suid-Afrika deurgedring het tot die breë kringe van die middelgroep in tye toe baie min mense dunder voertuie kon bekostig. Kort gelede toe almal gepraat het van dunder motors, het Ford die wêreld verras deur 'n aankondiging dat hy sy pryse gaan verlaag.

Die Ford-onderneming met sy reuse-omvang is 'n familiesaak waarin die idealisme van 'n enkeling uitdrukking gevind het. Na die afsterwe van sy soun is dit vandag onder die bestuur van 'n kleinseun.

Ford se boedel word voorlopig op £250 miljoen geskat.

## INTEKENING OP „DIE O.B.”

*Dit kom dikwels onder ons aandag dat persone wat „Die O.B.” van vriende ontvang en graag gereelde intekenare op die blad wil word, nie weet waar om in te teken nie.*

*Vir die gerief van sulke persone plaas ons die nodige intekenvorm hieronder. Voltooi net die vorm en pos dit saam met die intekengeld van 10/- per jaar (of 5/- vir ses maande) aan: Voorslag (Edms.) Bpk., Posbus 28, Stellenbosch.*

### INTEKENVORM

DIE SIRKULASIEBESTUURDER,

VOORSLAG (EDMS.) BEPERK.

POSBUS 28 — STELLENBOSCH.

Neem asseblief my naam op as intekenaar op „DIE O.B.” tot ek u kennis gee om die intekening te staak. Ek sluit die bedrag van £ : : vir die eerste twaalf/ses\* maande hierby in.

NAAM .....

(Blokletters)

POSADRES .....

Datum .....

Handtekening.

\*) Skrap wat nie van toepassing is nie.

## Sterfbed-Bespiegelings Oor Brittanje

Die onlangse oorstromings in Brittanje het die Britse finansiële posisie so versleg dat die Amerikaanse lening van £937,000,000 waarvan omtrent een-derde binne tien maande reeds verbruik is, nie voldoende sal wees om Engeland uit sy na-oorlogse ekonomiese krisis te help nie, en in sekere Amerikaanse kringe word reeds propaganda gemaak vir 'n tweede lening wat die bankrotenskap van Engeland sal afrond.

Die kern van die saak is dat Engeland met die geweldige verlies van sy oes en met 'n deel van sy land nog onder water, baie meer voedsel sal moet invoer en sy Amerikaanse dollar-lening sal moet gebruik om daarvoor te betaal in plaas van vir die aankoop van produktiewe goedere soos nywerheidsmasjinerie.

Tydens die steenkoolkrisis het Britse deskundiges daarop gereken dat Engeland teen die middel van die somer weer normaalweg sou kon herstel. Die waterramp het hierdie hoop heeltemal verdedel.

Uit Brittanje word berig dat die Britse publiek hulle tans die vraag stel of die Britse regering wat verkeerd gewed het op die steenkoolposisie nie ook verkeerd gewed het op die dollar-lening nie. Hulle

meen dat Engeland baie meer dollar kan spaar deur minder luukse Amerikaanse sigarette, gedroogde eiers en Hollywood-films met die lening aan te koop.

Amerikaanse waarnemers wonder vandag of die feit dat Engeland moet afstand doen van sy naam as 'n eersterangse moondheid ook beteken dat Engeland nooit weer sal kan herstel nie.

Kennis is die kosbaarste van alle skatte, want dit kan nie gesteel, weggegee of verbruik word nie.

U eie dagblad sal u kennis gee van die waarheid omtrent u volk en omtrent wêreldsake. Koop Perskor-aandeel.

## Grotes Vorder Niks Met Vredesverdrag

Die sogenaamde Vier Grotes, d.w.s. die ministers van buitelandse sake van Amerika, Engeland Rusland en Frankryk, is al vir ruim ses weke besig om in Moskou te beraadslaag oor 'n vredesverdrag met Duitsland. Daar is tot sover nog nie oor 'n enkele punt van betekenis ooreengestem nie. Die Westerse moondhede onder leiding van Amerika, dring o.a. aan op 'n hersiening van die Duitse grense met insluiting van die Oos-grens, wat indertyd deur Churchill en Roosevelt ten bate van Stalin vermink en later in Potsdam bekragtig is. Rusland hou hom egter aan die Potsdam-ooreenkoms as finaal, terwyl die ander besef dat so 'n reëling Duitsland vir altyd onbeholpe sal hou.

Origens moet die vergadering ook worstel met onredelike eise van Frankryk ten opsigte van inlywing van die Saargebied. Sapa-Reuter berig dat Amerikaanse en Britse deskundiges hierdie eis reeds goed gekeur het.

„Die O.B.” word gedruk deur Pro Ecclesia-Drukkery (Edms.) Beperk, Stellenbosch, vir die eenaars en uitgewers: VOORSLAG (Edms.) Beperk, Pro Ecclesia-Gebou, Birdstraat, Stellenbosch.

## Tvl. Mobiliseer Kragte Teen Indier-handelaars

Te oordeel na berigte wat uit alle dele van die Transvaal ontvang word, blyk dit dat die Indiër-boikot hom reeds deeglik laat voel, aldus 'n persverklaring van die aksiekomitee van die Suid-Afrikaanse Beskermingsbeweging wat onlangs gestig is.

Die komitee is tans besig met voorbereidings vir die uitgee van 'n weekblad waarin berigte oor die boikot vervat sal wees en verwag word dat die eerste uitgawe hiervan teen Mei die lig sal sien. Binnekort sal daar ook 'n bro-

### Indiërs Stig Noodhulp

Die boikotbeweging teen die Indiërs in Transvaal het reeds so doeltreffend geword dat die Indiese sakekamer verlede week besluit het om 'n noodhulpfonds van £100,000 te stig ter leniging van die nood van Indiërs wat deur die boikot uitgeskakel word, na Sapa berig. Origens sal die fonds aangewend word om beter betrekkinge tussen blankes en Indiërs te bevorder.

jure verskyn wat die boikot sal verduidelik en verdere inligting sal verskaf.

Reëlings word ook getref om die beweging as 'n maatskappy te laat registreer. Hierdie registrasie sal deur die Minister van Justisie bekragtig moet word. Die Provinsiale kongres moet egter nog sy goedkeuring hieraan heg.

Aansoek sal eersdaags ingewag word vir 'n voltydse hoofsekretaris van die beweging. Die verklaring wys daarop dat daar baie fondse nodig is. Vir 1947 sal minstens £15,000 benodig word.

Daar sal ook binnekort pogings aangewend word om groter kwotas aan blanke handelaars beskikbaar gestel te kry.

## Spontane Oplewing Aan Rand

Tenspyte van al die begrafnis-stories gaan die O.B. nog steeds voort van krag tot krag, soos weereens bewys is op 'n veldkornetskapsfunksie wat op Vrydag, 28 Maart, ten huise van veldkt. Beukman, in die Malvernwyk van komdt. Brits, gehou is.

Weertens het die O.B.-dames getoon dat waar dit op sneepry neerkom, hulle gelyke nie te vinde is nie, en hul vindingrykheid i.v.m. gebak in hierdie skaars tyd was werklik waar vir die ongeveer 50 aanwesiges 'n verrassing.


Die grootste gedeelte van die teenwoordiges was persone wat lanklaas geskakel was, maar wat spontaan gereageer het toe die geleentheid hulle weereens gegee was om gesellig met hul kamerade te kan verkeer. O.a. was generaal Erlank en sy adjutant Hfkomdt. Meyer, ook teenwoordig.

Hfkomdt. W. de Wet, organiseerder van gebied E, het die verrigtinge met 'n kort maar kragtige toespraak geopen. Hfkomdt. De Wet het o.a. die feit beklemtoon dat die O.B. se krag beslis in die werkerskringe geleë is, en dat enige organisasie wat nie die steun van die werker het nie, nimmer sal kan bestaan. Die belangrikheid van hierdie soort huisfunksies waar ons mense mekaar kan leer ken en waardeer is van onskatbare waarde vir die uitbouing van ons gemeenskaplike ideaal. Verder het Komdt. De Wet melding gemaak van die kenmerkende feit, dat oudgevangenes en geïnterneerdes, weer so spontaan doenig is in die Beweging, wat ongelukkig vir baie van ons diensdoende offisiere 'n vingerwysing is, vernaamlik diegene wat 'n bietjie laks geword het.

Die aand is besonder gesellig deurgebring met vleisbraai en allerhande soorte spelletjies en die mooi bedraggie van £14 is ingesamel, danksy die onvermoede ywer van Veldkornet-(te) Beukman en haar helpers.

(Korr.).

## RAMP SE SPORE



Dit is nie die nes van versamelvoëls nie, maar die gevolg van die onlangse stormwinde in Brittanje wat die vloedreëns vergesel het. Die stormwinde het die hooimiedens van die boere met die grond gelyk gewaai. Hier kan gesien word hoe die hooi soos versiersels aan die telegraafpale hang. Dit was die ergste storms wat Brittanje in die afgelope drie eeue getref het.

## Flukse Boerseun Verongeluk

MIDDELBURG, Tvl. — 'n Geweldige slag het vir kommandant en mev. Theo. Wassenaar, van Middelburgdorp-kommando, getref toe hul oudste seun, Gerrie, gedurende die nag van 3 April die lewe gelaat het in 'n noodlottige motorongeluk.

Hy, met 'n aantal passasiers was terug op pad van Witbank, toe sy motor in botsing kom met 'n motor bestuur deur 'n mnr. Nel. Gerrie en 'n ou dame, mev. Tocknel, is op slag gedood terwyl haar twee dogters en 'n ander passasier ernstig beseer is en tans in die plaaslike hospitaal verpleeg word.

Die bestuurder van die ander kar is ook ernstig beseer. Hy was alleen.

Gerrie was 20 jaar oud, en lid van die Boerejeug. Hy sou een van die dae na die groot O.B. oorgeplaas word. Hy was 'n wakker en veelbelowende jongman, en die verlies vir sy ouers en familie en vir die O.B. is groot.

Die begrafnis het Sondag vanuit die Herv. Kerk plaasgevind, en 'n geweldige stoet het die lykwa gevolg. (Wyle mev. Tocknel is die vorige dag al begrawe). Ds. Dreyer van Witbank het die lykrede gehou, en by die graf het hoofkommandant C. M. Smith 'n kort maar besielende toespraak gehou.

Namens ons kommando ons diepste meegevoel aan die bedroefde ouers en familieledes. (Korr.).